



Broj: 01-50-1-15-45/09.
Sarajevo, 5. februara 2009. godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH održao je 45. sjednicu, 4. februara 2009. godine. Na sjednici su, pored ostalih, razmatrani materijali koji su u nadležnosti i Doma naroda, kako slijedi:

1. Prijedlog zakona o dopuni Zakona o Javnom radiotelevizijskom sistemu BiH (drugo čitanje);
2. Prijedlog zakona o unutrašnjoj i pomorskoj plovidbi (prvo čitanje);
3. Prijedlog zakona o besplatnoj pravnoj pomoći (prvo čitanje);
4. Prijedlog zakona o advokaturi Bosne i Hercegovine (prvo čitanje);
5. Prijedlog zakona o sprečavanju nereda na sportskim takmičenjima (prvo čitanje);
6. Prijedlog zakona o međunarodnoj pravnoj pomoći u krivičnim stvarima (prvo čitanje);
7. Prijedlog zakona o Garancijskom fondu (prvo čitanje);
8. Prijedlog zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera (prvo čitanje);
9. Prijedlog zakona o izmjenama i dopunama Zakona o ministarstvima i drugim organima uprave BiH (prvo čitanje);
10. Prijedlog zakona o izmjenama i dopunama Zakona o državnoj službi u institucijama BiH (prvo čitanje);
11. Prijedlog zakona o izmjenama i dopunama Zakona o Agenciji za rad i zapošljavanje BiH (prvo čitanje);
12. Prijedlog zakona o izmjenama i dopunama Zakona o policijskim službenicima BiH (prvo čitanje);
13. Odluka Predsjedništva BiH o postavljenju profesionalnih vojnih lica na formacijska mjesta u Oružanim snagama BiH;
14. Odluka Predsjedništva BiH o učešću pripadnika Oružanih snaga BiH u misiji Snaga međunarodne sigurnosne pomoći (ISAF) u Islamskoj Republici Afganistan;
15. Odluka Zajedničke komisije za administrativne poslove o izmjenama Pravilnika o međunarodnim aktivnostima Parlamentarne skupštine BiH – radi potvrđivanja;
16. Izvještaj komisije Kolegija o nastojanju za postizanje saglasnosti o Prijedlogu zakona o kontroli kretanja oružja i vojne opreme (zakon u prvom čitanju);
17. Izvještaj o aktivnostima na projektu „Autoput na Koridoru V c“ i Plan narednih aktivnosti;

Ad. 1.

Prijedlog zakona o dopuni Zakona o Javnom radiotelevizijskom sistemu BiH usvojen je u drugom čitanju, sa sljedećim amandmanima:

Amandman I.

U članu 1. u nazivu člana 17a. iza riječi "slijepa" dodaju se riječi: " i gluha".

U istom članu stav (1) mijenja se i glasi:

(1) "Od obaveze plaćanje RTV takse iz člana 17. stav 1. ovog zakona oslobađaju se vlasnici prijemnika koji su trajno izgubili vid ili sluh i žive sami u domaćinstvu ili sa starateljem".

Amandman II.

U članu 1. iza stava (2) dodaje se novi stav (3) koji glasi:

"(3) Vijeće ministara Bosne i Hercegovine dužno je u budžetu institucija Bosne i Hercegovine osigurati sredstva u visini iznosa umanjениh prihoda Javnog RTV sistema BiH nastalih zbog oslobađanja plaćanja RTV takse vlasnika prijemnika iz stava (1) ovog člana. Sredstva za naknadu prihoda Javnom RTV sistemu BiH uplaćivat će se na jedinstveni račun u skladu s članom 23. stav (1) ovog zakona."

Ad. 2.

Prijedlog zakona o unutrašnjoj i pomorskoj plovidbi nije u prvom čitanju dobio entitetsku većinu. Slijedi usaglašavanje u Kolegiju Doma kao komisiji.

Ad. 3. i 4.

Prijedlog zakona o besplatnoj pravnoj pomoći i Prijedlog zakona o advokaturi BiH usvojeni su u prvom čitanju nakon usaglašavanja u Kolegiju kao komisiji, koje je provedeno odmah na sjednici, nakon što u prvom krugu glasanja nisu dobili entitetsku većinu.

Usvojen je zaključak na prijedlog Komisije da se o Prijedlogu zakona o advokaturi BiH provede stručna javna rasprava.

Ad. 5.

Prijedlog zakona o sprečavanju nereda na sportskim takmičenjima nije dobio entitetsku većinu u prvom čitanju, pa će se naknadno provesti usaglašavanje u Kolegiju kao komisiji.

Ad. 6.

Prijedlog zakona o međunarodnoj pravnoj pomoći u krivičnim stvarima usvojen je u prvom čitanju.

Ad. 7.

Prijedlog zakona o Garancijskom fondu nije dobio entitetsku većinu u prvom čitanju, pa slijedi naknadno usaglašavanje u Kolegiju kao komisiji.

Ad. 8.

Prijedlog zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera usvojen je u prvom čitanju, uz zaključak Komisije da se provede javna rasprava.

Ad. 9., 10., 11. i 12.

U prvom čitanju usvojeni su:

- Prijedlog zakona o izmjenama i dopunama Zakona o ministarstvima i drugim organima uprave BiH;
- Prijedlog zakona o izmjenama i dopunama Zakona o državnoj službi u institucijama BiH,
- Prijedlog zakona o izmjenama i dopunama Zakona o Agenciji za rad i zapošljavanje BiH i
- Prijedlog zakona o izmjenama i dopunama Zakona o policijskim službenicima BiH.

Ad. 13. i 14.

Predstavnički dom potvrdio je:

- Odluku Predsjedništva BiH o postavljenju profesionalnih vojnih lica na formacijska mjesta u Oružanim snagama BiH i
- Odluku Predsjedništva BiH o učešću pripadnika Oružanih snaga BiH u misiji Snaga međunarodne sigurnosne pomoći (ISAF) u Islamskoj Republici Afganistan.

Ad. 15.

Dom je potvrdio i Odluku Zajedničke komisije za administrativne poslove o izmjenama Pravilnika o međunarodnim aktivnostima Parlamentarne skupštine BiH.

Ad. 16.

Nakon usaglašavanja u Kolegiju kao komisiji, u drugom krugu glasanja usvojen je Prijedlog zakona o kontroli kretanja oružja i vojne opreme u prvom čitanju.

Ad. 17.

Dom je usvojio Izvještaj o aktivnostima na projektu „Autoput na Koridoru V c“ i Plan narednih aktivnosti, sa zaključcima nadležne komisije predloženim u mišljenju.

Radi informiranja, obavještavam vas o sljedećem:

Predstavnički dom je na dnevnom redu imao i sljedeće materijale:

- a) Izvještaj o napretku Bosne i Hercegovine u 2008. godini (materijal Direkcije za evropske integracije BiH);
- b) Konačni izvještaj o provođenju mjera iz Akcionog plana Srednjoročne razvojne strategije BiH 2004.-2007. godine (PRSP) i Ekonomski trendovi, godišnji izvještaj za 2007. godinu Direkcije za ekonomsko planiranje BiH;
- c) Izjašnjavanje o inicijativama poslanika:
 - **Slavka Jovičića** – za sazivanje posebne sjednice oba doma Parlamentarne skupštine BiH sa samo jednom tačkom dnevnog reda: „Privredna i ekonomska situacija u BiH, odnosno ekonomska recesija i kolaps bankarskog sistema u mnogim državama svijeta i Evrope i refleksije tog stanja na BiH, odnosno na privredu i ukupno ekonomske stanje u ovoj zemlji“,
 - **Sadika Bahtića** – u vezi s razmatranjem na sljedećoj sjednici Doma ili na zajedničkoj sjednici oba doma sljedeće tačke: „Globalna finansijska kriza, negativni efekti na ekonomiju BiH i mjere za prevazilaženje krize“.

Kolegij Doma zatražio je mišljenja nadležnih komisija za ove materijale, i to za materijal pod a) od Zajedničke komisije za evropske integracije, te za materijal iz tačke b) i za inicijative iz tačke c) – od Zajedničke komisije za ekonomske reforme i razvoj.

Komisije su predložile da se o pitanjima iz ovih tačaka sazove zajednička sjednica oba doma radi razmatranja ovih pitanja (vidjeti mišljenja komisija).

Dom je, uz mišljenja komisija, usvojio i dodatni zaključak: **ako se ne uspije organizirati zajednička sjednica oba doma, rasprava o navedenim materijalima bit će provedena u Predstavničkom domu.**

Također radi informiranja, obavještavam vas da je Predstavnički dom, na zahtjev nadležnih komisija, odobrio produženje roka za dostavljanje izvještaja o:

- Prijedlogu zakona o zrakoplovstvu BiH – do 10. februara 2009.;
- Prijedlogu zakona o Agenciji za pružanje usluga u zračnoj plovidbi BiH – do 10. februara 2009. i
- Prijedlogu zakona o izmjenama i dopunama Zakona o proizvodnji naoružanja i vojne opreme – za 20 dana.

S poštovanjem,

**PREDSJEDAVAJUĆI
PREDSTAVNIČKOG DOMA
Beriz Belkić**